

**Қазақстан Республикасының Үкіметі мен Ресей Федерациясының Үкіметі арасында
Үшінші елдерге әскери мақсаттағы өнімнің экспортын жүзеге асыру кезінде өзара
іс-қимыл жасау тәртібі туралы келісім жасасу туралы**

Қазақстан Республикасы Үкіметінің 2003 жылғы 7 қарашадағы N 1106 қаулысы

Қазақстан Республикасының Үкіметі қаулы етеді:

1. Қоса беріліп отырған Қазақстан Республикасының Үкіметі мен Ресей Федерациясының Үкіметі арасындағы Үшінші елдерге әскери мақсаттағы өнімнің экспортын жүзеге асыру кезінде өзара іс-қимыл жасау тәртібі туралы келісімнің
ж о б а с ы м а қ ұ л д а н с ы н .

2. Қазақстан Республикасының Индустрия және сауда министрі Әділбек Рыскелдіұлы Жақсыбековке қағидатты сипаты жоқ өзгерістер мен толықтырулар енгізуге рұқсат бере отырып, Қазақстан Республикасы Үкіметінің атынан Қазақстан Республикасының Үкіметі мен Ресей Федерациясының Үкіметі арасында Үшінші елдерге әскери мақсаттағы өнімнің экспортын жүзеге асыру кезінде өзара іс-қимыл жасау тәртібі туралы келісім жасасуға өкілеттік берілсін.

3. Осы қаулы қол қойылған күнінен бастап күшіне енеді.

Қ а з а қ с т а н Р е с п у б л и к а с ы н ы ң

Премьер-Министрі

жоба

**Қазақстан Республикасының Үкіметі мен Ресей Федерациясының Үкіметі
арасындағы Үшінші елдерге әскери мақсаттағы өнімнің экспортын жүзеге
асыру кезінде өзара**

іс-қимыл жасау тәртібі туралы

Келісім

Бұдан әрі Тараптар деп аталатын Қазақстан Республикасының Үкіметі мен Ресей
Ф е д е р а ц и я с ы н ы ң Ү к і м е т і ,

Қазақстан Республикасы мен Ресей Федерациясының арасындағы Достық,
ынтымақтастық және өзара көмек туралы 1992 жылғы 25 мамырдағы шартты,
Қазақстан Республикасы мен Ресей Федерациясының арасындағы Әскери
ынтымақтастық туралы 1994 жылғы 28 наурыздағы шартты , Қазақстан
Республикасының Үкіметі мен Ресей Федерациясының Үкіметі арасындағы
Әскери-техникалық ынтымақтастық туралы 1994 жылғы 28 наурыздағы келісімді және
Қазақстан Республикасының Үкіметі мен Ресей Федерациясының Үкіметі арасындағы

Өнеркәсіптің қорғаныс салалары кәсіпорындарының өндірістік және ғылыми-техникалық кооперациясы туралы 1994 жылғы 28 наурыздағы келісімді б а с ш ы л ы қ қ а а л а о т ы р ы п ,

әскери-техникалық ынтымақтастықты дамыту үшін қолайлы жағдайларды қ а м т а м а с ы з е т у г е ұ м т ы л а о т ы р ы п ,

үшінші елдерге әскери мақсатты өнімді, жұмыстар мен қызметтер көрсетуді жеткізу кезінде Тараптар мемлекеттерінің саяси, қорғаныс және экономикалық мүдделерін қорғауды қамтамасыз ету қажеттілігін тани отырып, төмендегілер туралы келісті:

1-бап

Осы Келісімнің мақсаттары үшін мынадай ұғымдар қолданылады:

әскери мақсаттағы өнім - қару-жарақ, әскери техника, жұмыстар, қызметтер көрсету , оқ-дәрі, қосалқы бөлшектер, жинақтау бұйымдары, көмекші, тыл және басқа да арнайы мүлік, зияткерлік меншік, әскери-техникалық саладағы мәліметтер, сондай-ақ нормативтік-техникалық, конструкторлық, технологиялық және бағдарламалық қ ұ ж а т т а м а ;

әскери-техникалық ынтымақтастық субъектілері (бұдан әрі - ӘТІ) - Тараптар мемлекеттерінің ұлттық заңнамасына сәйкес әскери мақсаттағы өнімге қатысты сыртқы сауда қызметін жүзеге асыруға құқық берілген ұйымдар;

үшінші елдер - осы Келісімнің қатысушылары болып табылмайтын мемлекеттер;

экспорт - әскери мақсаттағы өнімді Тараптардың бір мемлекетінің өз елінен тысқары жерге әкетуі (сатуы, беруі);

кері экспорт - екінші Тарап мемлекетінен импортталған немесе алынған әскери мақсаттағы өнімді тараптардың бір мемлекетінің үшінші елге әкетуі;

бірлескен экспорт - екі Тараптың қатысуымен әскери мақсаттағы өнімді үшінші е л д е р г е э к с п о р т т а у ;

мәліметтер (ақпарат) - зерттеулер нәтижесінде алынатын ғылыми және техникалық деректер, ғылыми-техникалық зерттеулер мен әзірлемелердің нәтижелері немесе әдістері туралы мәліметтер, сондай-ақ осы Келісімнің шеңберіндегі бірлескен қызметке ж а т а т ы н өз г е д е а қ п а р а т ;

зияткерлік меншік - 1967 жылғы 14 шілдеде Стокгольмде қол қойылған, 1979 жылғы 2 қазандағы өзгерістер енгізілген, Дүниежүзілік санаткерлік меншік ұйымын құратын Конвенцияның 2-бабында көрсетілген мәнде ұғынылады.

2-бап

Тараптар үшінші елдерге әскери мақсаттағы өнімнің экспорты саласындағы өзара іс-қимылды және ынтымақтастықты мынадай бағыттар бойынша жүзеге асырады:

- әскери мақсаттағы өнімнің экспорты;
- әскери мақсаттағы өнімнің кері экспорты;
- әскери мақсаттағы өнімнің бірлескен экспорты.

3-бап

Осы Келісімді іске асыру жөніндегі уәкілетті органдар:

Қазақстан тарапынан - Қазақстан Республикасының Индустрия және сауда министрілігі;

Ресей тарапынан - Ресей Федерациясының Шетел мемлекеттерімен әскери-техникалық ынтымақтастық жөніндегі комитеті.

Уәкілетті органдардың атаулары немесе функциялары өзгерген кезде Тараптар бір-біріне дипломатиялық арналар бойынша уақтылы хабарлайтын болады.

4-бап

Әскери мақсаттағы өнімнің бірлескен экспорты кезінде Тараптар уәкілетті органдар арқылы әскери мақсаттағы өнімді әрбір нақты жеткізу бойынша экспорттаушы ретінде Тараптардың бір мемлекетінің ӘТҰ субъектісін айқындайды.

5-бап

Тараптар мемлекеттерінің ӘТҰ субъектілері әскери мақсаттағы өнімнің бірлескен экспортын Тараптар мемлекеттерінің ұлттық заңнамаларына сәйкес шарттық негізде жүзеге асырады.

6-бап

Әскери мақсаттағы өнімнің бірлескен экспортын жүзеге асыру кезінде Тараптар мемлекеттерінің уәкілетті органдары өздерінің ӘТҰ субъектілері арқылы келісілген ақпаратты-маркетингтік және зерттеу қызметін, сондай-ақ үшінші елдердің қару-жарак рыноктарындағы баға саясатын жүргізетін болады.

7-бап

Тараптар әскери мақсаттағы өнімнің бірлескен экспорт үшін осындай өнімді басқа Тарапқа берген Тараптардың бірінің ішінара немесе толығымен зияткерлік меншік объектісі болып табылуы мүмкін екенін мойындайды. Аталған әскери мақсаттағы өнімді немесе ол туралы алдын ала ақпаратты алған Тарап өз мемлекетінің заңнамасына және көрсетілген мемлекет қатысушысы болып табылатын халықаралық шарттарға сәйкес оны сақтау және қорғау жөнінде шаралар қабылдайды.

Осы Келісімді іске асыру барысында берілген және/немесе алынған зияткерлік меншікті пайдалану, құқықтық қорғау тәртібі жеке Келісімнің мәні болып табылады.

8-бап

Осы Келісімді іске асыру кезінде Қазақстан Республикасында мемлекеттік құпияларды және Ресей Федерациясында мемлекеттік құпияны құрайтын мәліметтерді (ақпараттарды) өзара беру мен қорғау тәртібі жеке Келісіммен айқындалатын болады.

9-бап

Әскери мақсаттағы өнімнің бірлескен экспортын жүзеге асыру кезінде Тараптардың құқықтары мен міндеттемелері олар қатысушылары болып табылатын өзге халықаралық шарттардан туындайтын Тараптардың құқықтары мен міндеттемелерін қозғамайды.

10-бап

Тараптардың әрқайсысы Тараптар мемлекеттерінің уәкілетті органдары мен ӘТЫ субъектілері осы Келісімге сәйкес қол жеткізілген уағдаластықтарды іске асыру үшін қажетті ұйымдастырушылық, құқықтық және өзге де жағдайларды жасауға ықпал ететін болады.

11-бап

Осы Келісім шеңберінде қызметті жүзеге асыруға байланысты туындайтын дауларды Тараптар консультациялар мен келіссөздер жолымен реттейтін болады.

12-бап

Осы Келісімге Тараптардың өзара келісімі бойынша, осы Келісімнің ажырамас бөлігі болып табылатын жеке хаттамалармен рәсімделетін өзгерістер мен толықтырулар енгізілуі мүмкін.

13-бап

Осы Келісім Тараптардың оның күшіне ену үшін қажетті мемлекетішілік рәсімдерді орындағаны туралы соңғы жазбаша хабарламасы алынған күнінен бастап күшіне енеді.

Осы Келісім бес жыл мерзімге жасалады және егер Тараптардың ешбірі кезекті бесжылдық кезең аяқталғанға дейін кемінде алты ай бұрын оның қолданылуын тоқтату ниеті туралы екінші Тарапты дипломатиялық арналар бойынша жазбаша хабардар етпесе, келесі бесжылдық кезеңге өздігінен ұзартылатын болады.

Осы Келісімнің қолданылуын тоқтату осы Келісімнің қолданылуы кезеңінде басталған және оның қолданылуын тоқтату сәтіне аяқталмаған кез келген жобаның қолданылуына ықпал етпейді. Осы Келісімнің ережелері іске асыру сатысындағы жобаларға қатысты олар аяқталғанға дейін күшінде қалатын болады.

2003 жылғы "___" _____ қаласында әрқайсысы қазақ және орыс тілдерінде екі данада жасалды, әрі екі мәтіннің де күші бірдей.

Осы Келісімді түсіндіру кезінде келіспеушіліктер туындаған жағдайда Тараптар орыс тіліндегі мәтінге жүгінетін болады.

*Қазақстан Республикасының
Үкіметі үшін*

*Ресей Федерациясы
Үкіметі үшін*